



# remata o proxecto **COMENIUS**

CEIP Pío

## **COMENIUS 1.1. Proxectos escolares AUGA PARA A VIDA water water everywhere auga, auga por todas partes**

En setembro de 2006 deu comezo o proxecto escolar Comenius "Water, water, everywhere" no que participan o CEIP Pío XII, como centro asociado, xunto con St Michaels e St Brigids ,do Reino Unido, Grundschule Fehrbellin, de Alemaña e Primary School N° 53, de Polonia, que soamente estivo parte do 1º curso.

O eixo central do proxecto é o estudio do medioambiente, con especial énfase na influencia da auga para a vida. Asociado a esto pretendeuse aumentar o interese polo coñecemento doutras linguas, mellorar a cooperación, impulsar o traballo en equipo, fomentar a apreciación sobre temas medioambientais, potenciar a conciencia europea, compartir con outros cidadáns da Unión Europea as inquedanzas e proxectos do noso alumnado.

Entre as actividades levadas a cabo realizáronse diferentes mobilidades entre os países participantes: Santiago de Compostela (Novembro 2006), Inglaterra (Maio 2007), Alemaña (Outubro 2007), Irlanda do Norte (Maio 2008), Inglaterra (Outubro 2008.) e, de novo, Santiago de Compostela (Maio 2009).



Nestas mobilidades, ademais de contactar coa comunidade educativa, nos centros dos países respectivos, intercambiáronse os traballos realizados, pósters sobre os temas tratados no proxecto, cancións, videos, presentacións Powerpoint, arquivos PDF... comentándos, valorándos, contrastándos, ademais de programar as actividades a realizar nas seguintes mobilidades.

No curso 2006-07 o máis destacable do proxecto foi o estudio dos usos da auga. Fanse traballos sobre a pesca e os muiños, realizando saídas para visitar varios en Vedra. Empezouse tamén co estudio dos ríos locais.

Continuando coa temática da auga para a vida abordamos a influencia desta para a vida. No curso 2007-08 os traballos xiraron arredor de desastres naturais como inundacións, naufraxios. Desastres provocados pola influencia descontrolada do ser humano: afundimento do petroleiro Prestige, inundacións por crecemento urbanístico descontrolado. Cambio climático: secas, incendios. Contaminación nos mares e ríos por verquidos de augas residuais e outras sustancias. Neste segundo ano do proxecto realizáronse visitas á estación potabilizadora do Tambre, á depuradora de Silvouta e estudiouse "in situ" -baixo a dirección de membros da asociación ecoloxista ADEGA- un tramo do río Sarela, no parque de Galeras, para averiguar a calidade das súas augas. Houbo tamén unha exposición sobre os incendios forestais, que foi visitada por toda a comunidade educativa.

No curso actual, 2008-09, recompiláronse os traballos más salientables realizados durante os tres anos de duración do proxecto, cos que se organizou unha exposición no colexió, á que asistiu o alumnado e membros da comunidade educativa. Tamén se abordaron diversos traballos sobre mitos e lendas relacionados coa auga.

Durante o proxecto houbo intercambio de correo electrónico, en ligue inglesa, entre o alumnado das escolas asociadas, sobre a temática tratada. Nos dous últimos meses fixérонse tamén sesións de videoconferencia coa escola de Inglaterra.

Despois de tres anos de trabalho compartido con outros centros da Unión Europea, cremos que esta experiencia foi de gran riqueza e interese e esperamos que aportase novas inquedanzas, motivacións e estímulos á toda a comunidade educativa participante no proxecto.

## Colaboran



XUNTA DE GALICIA  
CONSELLERÍA DE EDUCACIÓN  
E ORDENACIÓN UNIVERSITARIA  
  
XUNTA DE GALICIA  
SECRETARÍA XERAL  
DE POLÍTICA LINGÜÍSTICA



CONCELLO  
DE SANTIAGO  
CONSELLERÍA DE  
EDUCACIÓN